

Da bi em and lagen
 Wer reine di si pflagen
 Daz si daz paradys her
 hant besessen vmer mer
 Icz ist kyborg vn alyse
 Ich wolte daz in irre wise
 Lebeten alle wite wip
 Ich weiz etwa des wibes lip
 Daz ichz wolte kofen ir
 Des solt ir geloben mir
Dir buich wirt nu schure gerat
 Wer ist genat di warheit
 Durch den ichz geticht han
 Swer sichz anders zuhet an
 Der ist ein umbescheiden man
 Daz solt ir vor di warheit han
 Du di vrowe wart begraben
 Di hinevart wart ir haben
 Van luten manigir hande
 Ni man was in deme lante
 Daz rute od' vrowe hizen
 Di ir kumen dar lizen
 Loys d' ging ob' daz grab
 Durch ir sele her da gap
 Deme clostere groze velle
 Her sprach iz ist min wille
 Allich nu muz sterben
 Mach ichze ir werben
 Des ich guten willen habe
 Daz ich lige in deme grabe
 Dar inne ligt alyse
 Her sprach zu dem markise

Nu muze wir vns scheiden
 Vn wirze daz vns beiden
 So leide vns nimer mer geschicht
 Ich weiz wol daz vch gesicht
 Min oge nimer mere
 Van groze herce fere
 Daz ich dicke han ir lute
 Ist min lip also v' snite
 Ich werde nimer me gesunt
 Daz mir wirt ein sterbe kunt
 Vil groz iamer dar geschach
 Vn dar zu groz vngemach
 Si weinten beide harte
 Willehalme van dem barte
 So groze cehere vlozen
 Daz sin cappe wart begozee
Du der kunig schit va dan
 Willehalm der reine man
 Nimer mere wart gesunt
 Biz daz ime wart ein sterbe kunt
 Nu begude her wben fere
 Daz her doch gotes ere
 Groze arbeit tolte
 Der reine dicke wolte
 Vasten vn vil gebeten
 Des herce valschis was ir ieten
 Vil manigir arbeit her pflag
 Swo her stut / saz / oder lag
 Icz inqua zu ketner stunde
 Daz gebet im vz dem mude
 Der sele her uaste vordyte
 Swaz her linden i geworchte